

Թիւ 26016
Սեպտեմբեր 19, 1978

Մեծայարգ
Տոբթ. Վարդան Այնաճեան
Թորոնթօ.

Յարգելի Տոբթ. Այնաճեան,

Առաջնորդի Փոխանորդ Հոգշ. Տ. Յուսիկ ծ. Վրդ. Պաղտասեան մեզի ներկայացուց իր տեղեկագիրը՝ Թորոնթոյի Ս. Երրորդութիւն Եկեղեցւոյ մէջ իր նախագահութեամբ զուամարուած ժողովին մասին, մասնակցութեամբ Եկեղեցւոյ ծխական Խորհուրդին ինչպէս նաեւ մեր կողմէ նշանակուած հինգ ազգայիններուն:

Թորոնթոյի մէջ երկրորդ ծուխ մը կազմելու մեր ծրագիրը յառաջ տանելու համար անհրաժեշտ է նախնական կարգ մը աշխատանքներ կատարել, եւ այս նպատակով կը փափաքինք որ դուք զլիաւորէք մեր կողմէ նշանակուած հինգ ազգայիններէն ըտկացած յանձնախումբը, եւ համիր հետեւեալ աշխատանքին ձեռնարկել.

1. Բարտէսի վրայ նշանակել իբրեւ սահման երկու ծուխերու ՝ Տօն Վալի Փարբուէյ՝ մեծ պողոտան՝ որ կ'երկարի Հիւսիսէն դէպի Հարաւ:

2. Երկրորդ ծուխի սահմանը պիտի ըլլայ այս գիծէն Արեւելք զըտնուող մասը: Հաճեցէք այս Արեւելեան մասին մէջ կարմիր մատիտով նշել հայաբնակ շրջանները եւ ստուգել թէ քանի՞ հայ ընտանիքներ կը բնակին իւրաքանչիւր շրջանակի մէջ:

3. Հաճեցէք կազմել իւրաքանչիւր շրջանակի մէջ բնակող հայութեան անուններու եւ հասցէներու ցանկը:

4. Հաճեցէք առանձինն արձանագրել ցանկը անուններու եւ հասցէներու Արեւմտեան բաժնին մէջ զանուող այն ընտանիքներուն որոնք ձեր հաւաքած ցանկին մէջ ունիք:

5. Այս բոլոր տեղեկութիւնները, քարտէսով եւ անուններու ցանկերով, առաջին առիթով հաճեցէք մեզի դրկել, որպէս զի թեմական խորհուրդին ներկայացնենք, եւ Թորոնթոյի մէջ երկրորդ ծուխը կազմակերպելու համար առաւել ազգայիններ եւս նշանակենք իբրեւ անդամ կազմակերպիչ յանձնախումբին:

Սպասելով վերոյիշեալ տեղեկութեանց, ձեզի եւ յանձնախումբի միւս անդամներուն կը ցանկանք առաւել քաջաոգջութիւն եւ յաջողութիւն:

Սիրոյ ողջունիւ

ԹՈՐՈՆՏ ԱՐՔԵՊԻՍԿՈՊՈՍ
Առաջնորդ